



Arkivnr: 2014/11640-25

Saksbehandlar: Per Morten Ekerhovd, Elisabeth Bjørsvik, Tor Titlestad

Saksframlegg

Saksgang

Utval	Saknr.	Møtedato
Kultur- og ressursutvalet		22.01.2015

Kulturminnevern og verdiskaping. Kystpilegrimsleia. Løyving av midlar 2015

Samandrag

«Prosjekt Kystpilegrimsleia» er eit samarbeid mellom fylkeskommunane Sør-Trøndelag, Møre og Romsdal, Sogn og Fjordane, Hordaland og Rogaland og Stavanger, Bjørgvin, Møre og Nidaros bispedøme. Kystpilegrimsleia vert administrert av Sogn og Fjordane fylkeskommune, som er mottakar av tilskot frå Riksantikvaren (Ra). Prosjektet har dei to siste åra vore del av det nasjonale verdiskapingsprogrammet på kulturminnefeltet.

Jf sak 105/13 i Kultur og ressursutvalet: «Kultur- og ressursutvalet løyver kr 100.000 frå utvalet sin rådveldekonto til hovudprosjektet «Kystpilegrim Rogaland – Nidaros» for 2013. Finansiering for 2014 vert å koma attende til.»

Kystpilegrimsleia er eit treårig prosjekt og til møtet 22.01.2015 vert det fremja sak: «Prosjektorganisering og oppnemning av medlem til styringsgruppa.» Det er naturleg å sjå regional finansiering til Kystpilegrimsleia i samanheng.

Ra har løyvd statlege midlar under føresetnad av regional medfinansiering, i 2014 kr 350.000,-. Verdiskapingsprosjekta har ei finansiering med 50/50 fordeling av kostnaden mellom Ra og fylkeskommunane. For 2014 og 2015, utgjer dette kr. 150.000,- frå kvar av fylkeskommunane.

Forslag til innstilling/vedtak/avgjerd

1. Kultur- og ressursutvalet løyver kr 150.000,- frå utvalet sin rådveldekonto til hovudprosjektet «Kystpilegrim Rogaland – Nidaros» for 2014 og 2015.

Rune Haugsdal
fylkesrådmann

Anna Elisa Tryti
fylkesdirektør kultur og idrett

Saksframlegget er godkjent elektronisk og har derfor inga underskrift.

Fylkesrådmannen, 12.12.2014

Bakgrunn

«Prosjekt Kystpilegrimsleia» har dei to siste åra vore del av det nasjonale verdiskapingsprogrammet på kulturminneområdet. Riksantikvaren har løyvd statlege midlar med føresetnad av regional deltaking og finansiering. For bakgrunn om programmet for kulturminnevern og verdiskaping og utgreiing om Kystpilegrimsleden, vert det vist til sak «*Kystpilegrimsleia. Prosjektorganisering og oppnemning av medlem til styringsgruppa*» til Kultur – og ressursutvalet 22.01.2015.

Prosjektet er eit samarbeidsprosjekt mellom fylkeskommunane Sør-Trøndelag, Møre og Romsdal, Sogn og Fjordane, Hordaland og Rogaland, samt bispedøma i dei fem fylka. Kystpilegrimsleia vert administrert av Sogn og Fjordane fylkeskommune, som også tek i mot tilskota frå Riksantikvaren.

Riksantikvaren sin del av prosjektfinansieringa for 2014 var kr 350.000,- Verdiskapingsprosjekta har ei finansiering med 50/50 fordeling av kostnaden mellom stat og fylkeskommunar. For Kystpilegrimsleia utgjør dette kr. 70.000 årleg frå kvar av dei medverkande fylka. For 2014 og 2015 vert dette kr 150.000,- til saman.

Prosjektresultat

I 2013 vart det levert forprosjektrapport i tråd med intensjonane, men igangsetting av hovudprosjekt i 2014 vart forseinka. Sogn og Fjordane fylkeskommune, som prosjektansvarleg, overførte difor prosjektmidlar (kr 870.000,-) til 2014. I april vart det tilsett prosjektleiar i mellombels stilling. Pr 1.2.2015 skal prosjektleiinga gje tilbakemelding og rapportering til alle partnarar i prosjektet. Denne vert lagt fram til Kultur- og ressursutvalet.

23. til 28. juli vart det gjennomført seglas langs leia med «Nordstjernen» frå Rogaland til Nidaros. I Hordaland vart det gjennomført program på Moster amfi på Bømlø 23. juli og i Bergen 24. juli. Under seglasen vart det frakta med ei bodstikka som ordførarane signerte for å melde interessa for medverknad i prosjektet. I Hordaland teikna ordførarane i Bergen og Bømlø kommunar seg.

Hausten 2014 har det vore arbeidd for å styrkje den lokale forankringa. Alle kommunar i Hordaland langs den historiske farleia er kontakta for å nemne opp kontaktpersonar. Kommunane Radøy, Lindås, Meland, Askøy, Bergen, Fjell, Sund, Austevoll, Fitjar, Sveio og Austrheim har svart.

Regional medfinansiering frå Hordaland fylkeskommune

Kultur – og ressursutvalet har to gonger handsama prosjektet. I sak 99/12 løyvde utvalet kr 75.000,- til forprosjekt. I sak 105/13 vart fylkeskommunen sin medverknad i hovudprosjektet handsama. Det vart gjort følgjande vedtak:

- 1. Kultur- og ressursutvalet tek forprosjektet «Kystpilegrimsleia – Rogaland-Nidaros» til orientering og sluttar seg til deltaking i hovudprosjektet, med oppstart i 2013 og avslutting i 2016.*
- 2. Kultur- og ressursutvalet løyver kr 100.000 frå utvalet sin rådveldekonto til hovudprosjektet «Kystpilegrim Rogaland – Nidaros» for 2013. Finansiering for 2014 vert å koma attende til.*

Grunna forseinking i oppstartinga av hovudprosjektet, har det ikkje vore aktuelt å fremje politisk sak om finansiering for 2014 tidlegare, jf vedtak pkt. 2 i sak 105/13. Slik fylkesrådmannen ser det er det føremålstenleg å fremje sak der ein løyver midlar for både 2014 og 2015 i samanheng.

Fylkesrådmannen vurderer at Kystpilegrimsleia har potensiale til å løyse ut både lokale og regionale verdiskapingseffektar, samstundes som prosjektet formidlar ein særskild viktig del av kulturarven på Vestlandet.